



Ikamva-Ukunonophela
abantwana bethu

IsiKolo seCawa iKlasi 2

Isihloko sesifundo: Benza ntoni abaPostile (2)

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa 2 esithi **“Benza ntoni abaPostile (2)”**

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasini ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amangaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo saCawa 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	Benza ntoni abaPostile (2)
Isicatshulwa seBhayibhile	Mateyu 28: 19-20
Injongo yesifundo	Abantwana bafunda ukuhlonipha nokuxabisa abaPostile abaphilayo abasebenza egameni likaYesu kwihlabathi liphela.

Isishwankathelo sesifundo:

- Isifundo siyaqhubeka ngentombazana encinci uSimone, owayechitha iintsuku ezimbalwa nomakhulu wakhe.
- Umakhulu wakhe wamxelela ukuba abaPostile bafumene imisebenzi ebalulekileyo ku Yesu. Babefanele ukuba bamele uYesu Krestu emhlabeni ade abuye.
- Banikwe owona msebenzi ubaluleke ngakumbi nguYesu wokuba "Hambani niye kufundisa zonke iintlanga".
- Abapostile bahamba uhambo olude ukuya kubantwana bakaThixo kwihlabathi liphela.
- Njengokuba babejonge kwimifanekiso kwincwadi yenkonzo yethu, uSimone waphawula ukuba enye yenkonzo yobungcwalisa yangabanjwanga kwisakhiwo senkonzo. Umakhulu wakhe emva koko wamcacisela ukuba ilizwi likaThixo alivakaliswa kwizakhiwo zenkonzo kuphela. Amanye amabandla awanazo izakhiwo zenkonzo kwaye aba neenkonzo zobungcwalisa kwiiholo okanye kumakhaya abantu.
- Abapostile bayasebenza kuyo yonke indawo.
- Iihambo ezinde zaBapostile ziyadinisa, kungoko kubalulekile ukuba sihlale sithandazela iNtloko yabaPostile, uMpostile kunye nabanye nezinye iinkokheli kwaye sicele inkuseleko kwiNkosi ngabo.
- Bafuna ukuthethelelwa kubo bonke abantwana bakaThixo ukuze bafeze imisebenzi yabo emikhulu.



Sithetha ukuthi esi sifundo kuthi namhlanje?

- Abapostile basebenza kwihlabathi lonke egameni likaYesu.
- Bafundisa kwaye bomeleze imiphefumlo ebaphathisiweyo.
- Bayabhaptiza, bayatywina kwaye baxolele izono egameni likaYesu.
- Bamisela iinkokheli ukuze zancedise ekukhathaleleni abantwana bakaThixo.
- Abantwana bakaThixo bayavuya kwaye banombulelo ngokuba naba baPostile kwihlabathi liphela.

Ngalo lonke ixesha khumbula ukuthandazela bonke abaPostile bethu kunye nezinye iinkokheli ngenkuseleko nokukhokelwa nguThixo njengoko bevakalisa ilizwi laKhe kubo bonke abantu emhlabeni ade uYesu eze kusiphuthuma.

Eminye imibuzo esinokuyibuza:

- Umbuzo: Ngowuphi umsebenzi obalulekileyo owafunyanwa ngabapostile kuYesu Krestu?
Impendulo: Uthi, "Hambani niye kufundisa zonke iintlanga".
- Umbuzo: Kutheni le nto kufuneka sithandazele abaPostile neenkokheli?
Impendulo: Zijikeleza umhlaba wonke zivakalisa ivangeli kaYesu Krestu.
- Umbuzo: Bamela bani abaPostile emhlabeni.
Impendulo: uYesu Kristu

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen